



BOSNIA AND HERZEGOVINA  
Ministry of Foreign Trade and Economic Relations  
Veterinary Office of Bosnia and Herzegovina

Broj: 07-4-4-50-4-510-19/23

Datum: 12.06.2023

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17), člana 70. stav (1), (4) i (6), a u skladu sa članom 69. stav (2) tačka d) Zakona o javnim nabavkama Bosne i Hercegovine („Službeni glasnik BiH“, br. 39/14 i 59/22), na preporuku Komisije za javnu nabavku printanog materijala imenovane Rješenjem broj: 07-4-4-50-4-510-6/23 od 25.04.2023. godine, direktor Kancelarije za veterinarstvo Bosne i Hercegovine, donosi

**O D L U K U**  
**o poništenju postupka javne nabavke**

**Član 1.**

Poništava se postupak javne nabavke printanog materijala, i to **Lot 1 – Printani materijal za potrebe provođenja monitoringa bruceloze kod goveda**, iz razloga što za predmetni lot nijedna od primljenih ponuda nije prihvatljiva.

**Član 2.**

Ova Odluka će biti objavljena na internet stranici Kancelarije za veterinarstvo Bosne i Hercegovine u skladu sa članom 70. stav (6) Zakona o javnim nabavkama Bosne i Hercegovine.

**Član 3.**

Za realizaciju ove Odluke zadužuje se Komisija imenovana Rješenjem broj: 07-4-4-50-4-510-6/23 od 25.04.2023. godine.

**Član 4.**

Ova Odluka stupa na snagu danom donošenja.

## Образложение

Komisija za sprovođenje postupka javne nabavke printanog materijala, imenovana Rješenjem broj: 07-4-4-50-4-510-6/23 od 25.04.2023. godine, provela je konkurentski postupak uz objavu obavještenja broj: 956-7-1-11-3-12/23 od 11.04.2023. godine na Portalu javnih nabavki.

Nakon otvaranja ponuda, Komisija je izvršila procjenu ponuda u skladu sa uslovima traženim za dostavu ponuda u okviru konkurentskog postupka, pri čemu je utvrđeno da ponuda ponuđača „**Grafičar“ Stanoje-Zele Lujuč s.p. Doboj**, koja se odnosi na **Lot 1- Printani materijal za potrebe provođenja monitoringa bruceloze kod goveda**, ne zadovoljava uslove tražene tenderskom dokumentacijom. Naime tačkom 19. Tenderske dokumentacije, Način dostavljanja ponuda, propisano je: „Ponuđači su obavezni dostaviti skeniranu kompletnu ponudu na CD-u, DVD-u ili nekom drugom memorijskom prenosnom medijumu.“


Uvidom u ponudu ponuđača „Grafičar“ Stanoje-Zele Lujuč s.p. Doboj, Komisija je utvrdila da ponuđač nije dostavio skeniranu kompletnu ponudu za lot 1 na CD-u, DVD-u ili nekom drugom memorijskom prenosnom medijumu, te je stoga Komisija ponudu ocijenila kao nepravilnu u skladu sa članom 2. stav (1) tačka i) alineja 3. Zakona o javnim nabavkama („Službeni glasnik BiH“ br. 90/14 i 59/22), te ista nije uzeta u dalje razmatranje.

Uvidom u ponuđenu cijenu ponuđača „**Svjetlost – BH print“ d.o.o. Sarajevo**, koja se odnosi na **lot 1 - Printani materijal za potrebe provođenja monitoringa bruceloze kod goveda**, utvrđeno je da ponuđena cijena prelazi planirana, odnosno obezbjeđena sredstva ugovornog organa, te je stoga Komisija ocijenila kao neprihvatljivu, u skladu sa članom 2. stav (1) tačka i) alineja 2. Zakona o javnim nabavkama („Službeni glasnik BiH“ br. 90/14 i 59/22), te ista nije uzeta u dalje razmatranje.

Cijeneći naprijed navedeno činjenično stanje, a postupajući u skladu sa članom 69. stav (2) tačka d) Zakona o javnim nabavkama Bosne i Hercegovine, riješeno je kao u članu 1. ove Odluke.

Protiv ove Odluke može se izjaviti žalba Kancelariji za razmatranje žalbi u roku od 5 (pet) dana od dana prijema ove Odluke.

Žalba se podnosi putem Kancelarije za veterinarstvo Bosne i Hercegovine.



DIREKTOR  
*Saša Bošković*  
Saša Bošković, dr vet.med.

Dostaviti:

- ponuđačima x2;
- u spis.